



Adresa: **Ul. Hamdije Čemerlića 39**
71000 Sarajevo
<http://www.voda.ba>

tel. +387 33 726 422
fax. +387 33 726 423
e – mail: info@voda.ba

Broj: **UP-1/21-3-40-613-5/24**

Datum: **03.02.2025. godine**

„Agencija za vodno područje rijeke Save“ Sarajevo, rješavajući po zahtjevu pravnog lica Kantonalnog javnog komunalnog preduzeća „Vodovod i kanalizacija“ d.o.o. Sarajevo za izdavanje vodne dozvole za zahvat vode iz rijeke Bosne i njen tretman na filterskom postrojenju u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema, na području Kantona Sarajevo, na osnovu člana 139. stav (1) tačka 1. Zakona o vodama ("Službene novine Federacije BiH", broj 70/06), člana 200. stav (1) Zakona o upravnom postupku ("Službene novine Federacije BiH", broj 2/98, 48/99 i 61/22), donosi

RJEŠENJE **o vodnoj dozvoli**

1. Daje se vodna dozvola pravnom licu Kantonalnom javnom komunalnom preduzeću „Vodovod i kanalizacija“ d.o.o. Sarajevo za zahvat vode iz rijeke Bosne i njen tretman na filterskom postrojenju u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema, na području Kantona Sarajevo, pri čemu se trenutno zahvata i na filterskom postrojenju tretira (faza I i faza II) maksimalnih 400 l/s vode.
2. Vodna dozvola se daje na osnovu dostavljene dokumentacije, izvršenog uviđaja na objektima, utvrđenog činjeničnog stanja i uz slijedeće uslove:
 - 2.1. Da korisnik predmetnih vodozahvatnih objekata iste održava u funkcionalnom stanju i koristi u skladu sa njihovom prirodom i namjenom, te u skladu sa uslovima iz ove vodne dozvole.
 - 2.2. Da korisnik vodozahvatnih objekata u cilju kontrole, evidencije i plaćanja količina zahvaćene vode vrši mjerenje iste, a što se u ovom trenutku obezbjeđuje putem vodomjera, broj: W6380919000, tip: Promag W400DN500 i vodomjera broj: A18312395, tip: Optiflux 2050DN500. Evidenciju o mjerenju zahvaćene količine vode vršiti u skladu sa Pravilnikom o sadržaju i načinu vođenja evidencije i dostavljanje podataka o količinama zahvaćene vode („Službene novine FBiH“ br. 83/08).
 - 2.3. Da obezbijedi tehničku ispravnost ugrađenih mjernih uređaja za evidentiranje zahvaćene količine vode, opreme na objektima transportnog sistema, odnosno da redovno vrši baždarenje mjerača protoka u skladu sa propisima o mjernim uređajima.
 - 2.4. Da se uredno vodi dnevnik rada u koji će se unositi podaci o postupku tretmana vode i potrošnji svih hemikalija.
 - 2.5. Da se vrši stalna dezinfekcija vode hloriranjem kao i kontrola rezidualnog hlora u distributivnoj mreži u skladu sa Pravilnikom o zdravstvenoj ispravnosti vode za piće ("Službeni glasnik BiH", 40/10, 43/10, 30/12 i 62/17).
 - 2.6. Korisnik je dužan vršiti redovnu kontrolu uskladištenih hemikalija i obezbijediti takve uslove koji će spriječiti zagađenje površinskih i podzemnih voda uskladištenim materijama, odnosno, obezbijediti moguće isticanje hlora i drugih komponenti iz objekata i iz posuda, odgovarajućim tankvanama. Takođe je dužan obezbijediti adekvatan apsorber za prikupljanje hemikalija u slučaju incidentnog izlivanja.
 - 2.7. Da ukoliko se redovnim ili vanrednim analizama kvaliteta vode utvrdi da ista ne zadovoljava uslove vode za piće propisane važećim Pravilnikom o zdravstvenoj ispravnosti vode za piće, vodovodni sistem isključi iz upotrebe, odnosno da se blagovremeno i na adekvatan način obavijeste krajnji potrošači da voda nije za piće.
 - 2.8. Da kontrolu ispitivanja kvaliteta vode za potrebe vodosnabdijevanja vodom za piće stanovništva mogu vršiti samo ovlaštene laboratorije, u skladu sa članom 48 stav 3. Zakona o vodama.

- 2.9. Da KJKP „Vodovod i kanalizacija“ d.o.o. Sarajevo u vremenu važenja ove vodne dozvole kod nadležnog Ministarstva privrede Kantona Sarajevo pokrene aktivnosti u cilju donošenja odluke o proglašenju zaštitnih zona izvorišta u skladu sa važećim Pravilnikom o načinu utvrđivanja uslova za određivanje zona sanitarne zaštite i zaštitnih mjera za izvorišta voda za javno vodosnabdijevanje ("Službene novine Federacije BiH", br. 88/12) te da istu donesu u rokovima propisanim članom 15. tačka 1. navedenog Pravilnika. Da se stalno sprovode mjere o zaštiti izvorišta u skladu sa Odlukom o zaštiti izvorišta vode za piće u Sarajevskom polju („Službene novine grada Sarajeva“ broj 2/87) do donošenja nove.
- 2.10. U cilju najstrožije kontrole prostora u kojem su smješteni: brana od kamenog nabačaja (gabiona), rešetka, tablasti zatvarači, bazeni, cjevovodi, pumpne stanice, zatvarači, potopne pumpe, rezervoari sirove vode, multimedijska filterska postrojenja (faza I i faza II), dozatori i mješači za vodu, nepovratni ventili, taložnica, usisna košara, muljni ispust i preliv, mjeraci protoka i druga pripadajuća oprema potrebno je na odgovarajući način obilježiti upozorenjem o zabrani neovlaštenog pristupa. Ogradu i ograđeni prostor oko izvorišta tj. mjesta zahvata vode iz rijeke Bosne i filterskog postrojenja potrebno je održavati što znači da je ovaj prostor potrebno kositi, uklanjati samoniklo šiblje i grmlje i isti obezbijediti i drugim mjerama fizičke zaštite i osiguranja, a što prvenstveno uključuje službu fizičkog obezbjeđenja na izvorištu (povremeni obilazak ili stalna posada), te video nadzor sa alarmnim sistemom i druge mjere zaštite, ukoliko se to ocijeni potrebnim.
- 2.11. Korisnik je dužan da u roku trajanja ove vodne dozvole, u skladu sa važećom legislativom pokrene inicijativu za dobivanje upotrebne dozvole izgrađenih vodozahvatnih objekata, kao dijela cjelokupnog sistema vodosnabdijevanja.
3. Korisnik objekata treba da u cilju kontrole, evidencije i plaćanja količina zahvaćene vode vrši kontinuirano mjerenje količina zahvaćene vode i podatke o tim mjerenjima unosi u Knjigu evidencije o količinama zahvaćene vode. Korisnik objekata je obavezan vršiti plaćanje posebne vodne naknade u skladu sa članom 170 stav 1. tačka 1. alineja 1. Zakona o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).
4. Prava stečena po ovoj vodnoj dozvoli ne mogu se prenositi na treća lica, a ista se mogu izmjeniti u zakonom propisanim slučajevima.
5. Ukoliko radom predmetnog objekta dođe do promjene režima voda, a te promjene prouzrokuju štete ma kakvog karaktera, korisnik je dužan uzroke štete otkloniti, a nastale štete nadoknaditi.
6. Ova vodna dozvola, shodno članu 117. stav 1. Zakona o vodama („Službene novine Federacije BiH“, broj 70/06) se daje sa rokom važenja od pet (5) godina od pravosnažnosti ovog rješenja.
7. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.
8. Za izgradnju novog ili rekonstrukciju ili uklanjanje postojećih objekata te promjenu uslova zahvatanja vode iz rijeke Bosne i njen tretman na filterskom postrojenju u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema, na području Kantona Sarajevo, ako bi se time uticalo na promjenu kvaliteta i kvantiteta voda, odnosno ako se time mogu trajno, povremeno ili privremeno prouzrokovati promjene u režimu voda, korisnik predmetnih objekata je dužan pribaviti vodne akte (prethodnu vodnu saglasnost, vodnu saglasnost i vodnu dozvolu).
9. Ovo Rješenje o vodnoj dozvoli može se izmjeniti ukoliko nastupe okolnosti iz člana 130. stav (1) Zakona o vodama.

Obrazloženje

Pravno lice, KJKP „Vodovod i kanalizacija“ d.o.o. Sarajevo obratilo se ovoj Agenciji sa zahtjevom za izdavanje rješenja o vodnoj dozvoli za zahvat vode iz rijeke Bosne i njen tretman na filterskom postrojenju u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema, na području Kantona Sarajevo, pri čemu se trenutno zahvata i na filterskom postrojenju tretira (faza I i faza II) maksimalnih 400 l/s vode. U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

A - opšta dokumentacija:

- Aktuelni izvod iz sudskog registra, broj: 065-0-RegZ-24-011875 od 23.09.2024. godine izdat od strane Općinskog suda u Sarajevu – ovjerena kopija,
- Uvjerjenje o registraciji/upisu u Jedinstveni registar obveznika indirektnih poreza, broj: 04/1-UPP/1-5945/07 od 06.09.2007. godine izdato od strane Uprave za indirektno-neizravno oporezivanje Banja Luka - ovjerena kopija,
- Uvjerjenje o poreznoj registraciji od 24.05.2006. godine izdato od strane Kantonalnog poreznog ureda Sarajevo - ovjerena kopija,
- Punomoć podnosioca zahtjeva od 21.10.2024. godine,
- Rješenje, broj: UP-I-07-2-21/2-534/23 od 09.05.2023. godine izdato od strane Federalnog ministarstva poljoprivrede, vodoprivrede i šumarstva – kopija,
- Rješenje, broj: 03-23-1192/01 od 19.04.2004. godine izdato od strane Službe za prostorno uređenje općine Ilidža – kopija,
- Rješenje o vodnoj dozvoli, broj: UP-I/25-3-40-658-7/19 od 30.12.2019. godine izdato od strane Agencije za vodno područje rijeke Save, Sarajevo – kopija,
- Opći akt o održavanju, korištenju i osmatranju vodoprivrednog sistema filterskog postrojenja „Bosna“, novembar 2024. godine,
- Procedura sistema kvaliteta-Upravljanje i informisanje u incidentnim situacijama, OP-05-05 od 29.09.2022. godine – kopija,
- Službene novine Kantona Sarajevo, broj 27/2011 od 24.10.2011. godine – kopija,
- Faktura broj: 4266-25-24 od 20.09.2024. godine izdata od strane KJKP „Rad“ d.o.o. Sarajevo – kopija,
- Rezultati analiza uzoraka vode (filtersko postrojenje „Bosna“, faza I i faza II) urađeni od strane KJKP „Vodovod i kanalizacija“ d.o.o. Sarajevo Služba za sanitarni nadzor i kontrolu kvaliteta vode iz 2020., 2021., 2022., 2023. i 2024. godine - kopije,
- Izvještaji o ispitivanju iz 2020., 2021., 2022., 2023. i 2024. godine urađeni od strane Institut za vode d.o.o. Bijeljina – kopije,
- Izvještaji o zdravstvenoj ispravnosti uzoraka vode iz 2020., 2021., 2022. i 2023. godine urađeni od strane J.U. Zavod za javno zdravstvo Kantona Sarajevo – kopije,
- Izvještaji o uzorkovanjima iz 2023. godine urađeni od strane „Euro inspekt“ d.o.o. Sarajevo – kopije,
- Ovjernica/Uvjerjenje broj: 03/2783/24 od 21.08.2024. godine izdata od strane Zavod za mjeriteljstvo za vodomjer broj: W6380919000, tip: PromagW400DN500 – kopija,
- Ovjernica/Uvjerjenje broj: 074/20/22 od 26.09.2022. godine izdata od strane Zavod za mjeriteljstvo za vodomjer broj: A18312395, tip: Optiflux 2050DN500 – kopija,
- Akt - Inicijativa za donošenje Odluke o zaštiti izvorišta vode za piće u „Sarajevskom polju“, broj: 6798/20 od 30.09.2020. godine upućena Vladi Kantona Sarajevo – kopija,
- Akt, broj: 27-21-38304/20KB od 07.10.2020. godine dostavljanje inicijative na nadležno postupanje Ministarstvu privrede Kantona Sarajevo – kopija,
- Odgovor Ministarstva prostornog uređenja, građenja i zaštite okoliša na inicijativu za donošenje Odluke o zaštiti izvorišta vode za piće u „Sarajevskom polju“, broj: 05-21-38304/20 od 09.10.2020. godine upućena KJKP „Vodovod i kanalizacija“ d.o.o. Sarajevo – kopija,
- Rješenje, broj: 02-04-7973-5/22 od 03.03.2022. godine o imenovanju Stručne komisije za izradu Nacrta privremene odluke o zaštiti izvorišta vode za piće „Sarajevsko polje“ izdata od strane Vlade Kantona Sarajevo – kopija,
- Pravilnik o minimumu sadržine općeg akta o održavanju, korištenju i osmatranju objekata vodoprivrednog sistema - objekta filterskog postrojenja „Bosna“, novembar 2024. godine,
- Dokaz o uplaćenju federalnoj upravnoj pristojbi na zahtjev

B- Tehnička dokumentacija:

- Glavni izvedbeni projekat zahvatanje i prerada vode iz rijeke Bosne urađen od strane Mašinskog fakulteta Sarajevo, juni 2000. godine,
- Glavni projekat tehnološkog objekta, pumpne stanice sirove vode i pumpne stanice čiste vode, Knjiga 2.3. Tehnologija filtracije sa P.S. Sirove i P.S. čiste vode, urađen od strane GMC Inženjering d.o.o. Sarajevo, novembar 2005. godine,
- Glavni projekat Filter postrojenje Konaci, urađen od strane GMC Inženjering d.o.o. Sarajevo, mart 2002. godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Nakon pregleda dostavljene dokumentacije, u skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20, 63/22), izvršen je uviđaj na terenu i tom prilikom sačinjen Zapisnik broj: UP-1/21-3-40-613-4/24 od 31.01.2025. godine.

Na osnovu dostavljene dokumentacije, izvršenog uviđaja na licu mjesta utvrđeno je slijedeće:

- Filtersko postrojenje „Bosna“ sa vodozahvatom locirano je u prvoj vodozaštitnoj zoni izvorišta Sarajevsko polje (Bačevo). Ovaj vodovodni sistem čine slijedeći vodoprivredni objekti: tirolski vodozahvat na rijeci Bosni iz kojeg se zahvata voda za preradu; pumpna stanica sirove vode; filter postrojenje; pumpna stanica čiste vode; potisni cjevovod prema rezervoaru i PS Bačevo i potisni cjevovod prema rezervoaru Blažuj.
- Na predmetnom lokalitetu izvedena je brana od kamenog nabačaja (gabiona). Zahvat vode iz rijeke Bosne se vrši preko građevine opremljene rešetkama, tablastim zatvaračima, a koja se sastoji od dva bazena. Iz donjeg nizvodnog sabirnog bazena izveden je dactilni cjevovod profila DN 500 mm za dovod vode u pumpnu stanicu sirove vode. Cjevovod je dužine 30 m opremljen zatvaračem neposredno prije pumpne stanice za sirovu vodu kojim se omogućuje prekid dovoda vode u slučaju intervencija u eksploataciji.
- Pumpna stanica sirove vode sastoji se od potopnih horizontalnih pumpi i rezervoara sirove vode. Sirova voda se iz rezervoara gdje su već odstranjene najgrublje nečistoće transportuje putem cjevovoda do multimedijanskog filterskog postrojenja gdje se vrši prečišćavanje vode. Hemijski tretman vode se vrši tako što se preko sistema dozatora i mješača u vodu dovode hemikalije za proces koagulacije pomoću koji se odvija proces okupljanja sitnih čestica u vodi u cilju njihovog lakšeg odvajanja iz vode. Ovako pripremljena voda doprema se u pješčane filtere (multimedijalne filtere) gdje se vrši prečišćavanje vode. Nakon prečišćavanja vode vrši se dezinfekcija plinovitim hlorom a zatim transport vode putem pumpi prema rezervoaru i pumpnoj stanici Bačevo i manji dio vode sa faze II prema rezervoaru Blažuj, odakle se voda transportuje u sistem vodosnabdijevanja. Dio vode se koristi za pranje pješčanih filtera putem povratnih vodova.
- Pumpna stanica sirove vode opremljena je sa tri pumpe, dvije radne i jedna rezervna. Na odlazu su postavljeni zatvarači sa elektromotornim pogonom i nepovratnim ventilima.
- Sirova voda koja se na postrojenje doprema cijevovodom profila DN 400 mm se razdvaja na cjevovode profila DN 200 mm kojima se sirova voda doprema prema modulima multimedijanskog filterskog postrojenja.
- Filtersko postrojenje se sastoji od dvije faze (faza I i faza II), a svaka faza je koncipirana u četiri filterske linije (modula) koje sadrže po dva filterska para kapaciteta 25 l/s, tako da je ukupni kapacitet jednog modula 50 l/s, a svaki modul radi neovisno. Ukupni kapacitet četiri modula na jednoj fazi iznosi $4 \times 50 \text{ l/s} = 200 \text{ l/s}$, tako da je ukupni kapacitet obje faze (faza I + faza II) 400 l/s.
- Građevinski objekat za smještaj filterske i druge prateće opreme je kombinovano građen kao stabilni-zidani objekat. Isti je namjenski prilagođen definisanoj opremi i tehnologiji za preradu vode, sa svim detaljima u glavnom projektu.
- Proces koagulacije se vrši prije pješčanih filtera, a kao sredstvo za koagulaciju koristi se rastvor polialuminijum hlorid-hidroksid sulfata. Za doziranje koagulant koriste se dvije pumpe elektromagnetnog tipa uz mogućnost kontrole protoka. Na mjestu doziranja hemikalija u cijevi nalaze se injektorji za doziranje a iza njih na cijevi profila DN 200 mm postavljen je statički mješač za brzo mješanje hemikalija. Svaki modul ima svoju neovisnu hemijsku pripremu vode.
- Kontaktna filtracija (jedan modul) sastoji se od 4 komada pješčanih filtera, sistema pneumatskih ventila sa električnim aktiviranjem, pumpe za ispiranje, ventilatora za zrak za čišćenje filtera i kompresora sa rezervoarom.
- Prije puštanja u sistem vodosnabdijevanja vrši se dezinfekcija vode plinovitim hlorom putem sistema za polu-automatsku hlorinaciju proizvođača „Wallace Tiernan“ u ovisnosti od protoka vode i koncentracije rezidualnog klora. Hlorinacija za ovaj vodoprivredni sistem vrši se u objektu filterskog postrojenja „Bosna“ i to nakon filtracije vode. Plinoviti hlor se doprema u objekat u atestiranim čeličnim bocama i pomoću sofisticiranih uređaja vrši se njegovo doziranje u cjevovode u količinama propisanim Pravilnikom o zdravstvenoj ispravnosti vode za piće. Radnje i postupci sa ovom

hemikalijom i uređajima za doziranje su propisani posebnim radnim Uputstvima, a sve u sklopu dokumentacije sistema kvaliteta ISO 9001.

- Od strane KJKP „Vodovod i kanalizacija“ d.o.o. Sarajevo uspostavljena je redovna kontrola mikrobioloških i fizičko-hemijskih parametara kvaliteta sirove vode na izvoristu, kao i redovna kontrola mikrobioloških i fizičko-hemijskih parametara kvaliteta vode na izlazu iz filterskog postrojenja kao i u sistemu javnog vodosnabdijevanja. Potpisan je i Okvirni sporazum sa J.U. Zavod za javno zdravstvo Kantona Sarajevo u cilju dodatnog analiziranja uzoraka vode za piće.
- Ovako kontrolisana hlorisana voda, iz koje su uklonjene sve štetne materije i organizmi ide u potrošnju.
- Osiguranje i čuvanje svih vodoprivrednih objekata u sklopu izvorišta „Bačevo“, obezbijedeno je stalnom posadom, 24 - časovna tehnološka dežura. Zaštitne zone su ograđene i redovno se obilaze.
- Na mjestima vodozahvata ugrađeni su mjeraci protoka. Nakon tretmana na filterima prerađena količina vode se preko mjeraca protoka broj: W6380919000, tip: PromagW400DN500 transportuje za pravac ka rezervoaru Blažuj i mjeraca protoka broj: A18312395, tip: Optiflux 2050DN500 pravac ka rezervoaru Bačevo.
- Odluka o zaštiti izvorišta vode za piće nije donesena od strane nadležnog organa. Urađen je Projekat i isti je usklađen sa zahtjevima Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta voda za javno vodosnabdijevanje ("Službene novine Federacije BiH", br. 88/12). Procedura donošenja Odluke o zaštiti izvorišta je u toku i u nadležnosti je Ministarstva privrede Kantona Sarajevo.
- Najizraženiji problem koje se javljaju na sistemu su:
 - Pojave povremenih mutnoća u vrijeme topljenja snijega i kiša, sječe šume u zaštitnim zonama izvorišta, prema podacima obuhvaćenim za period od 5 godina (2020 god.-01.2025 god.) do povećanja mutnoće na vodozahvatu rijeke Bosne dolazi nakon obilinih kišnih padavina ili eventualnog topljenja snijega, dva do tri puta godišnje što zavisi od vremenskih prilika. Mutnoće dosežu maksimalne vrijednosti do 6 NTU jedinica. Za vrijeme trajanja takvih mutnoća ukoliko je potrebno dozira se koagulant u periodu od 4 do 10 dana. Koagulant se dodaje kada je mutnoća oko 2 NTU, odnosno kada će izlazna voda iz filtera po procjeni tehničara tehnologa preći vrijednost od 1 NTU (vrijednost definisana Pravilnikom o zdravstvenoj ispravnosti vode za piće).
 - Veliki gubici u mreži koja je orijentacione dužine oko 1.200 km i izvedena u različitim vremenskim periodima, od različitog cijevnog materijala i sa jednim dijelom potrošača (cca 10%) koji utrošak vode ne plaća putem potrošnje registrovane na vodomjerima, nego paušalno, što pogoduje neracionalnoj potrošnji vode. Gubici u sistemu se prema izjavi predstavnika KJKP „Vodovod i kanalizacija“ d.o.o. Sarajevo kreću oko 72,9 % od zahvaćenih količina vode. Aktivnosti na smanjenju gubitaka u distribuciji se permanentno provode kao i aktivnosti na ugradnji vodomjera za svakog korisnika. U vodovodnom sistemu formirane su DMA zona, kao i zone snabdijevanja vodom gdje se kontinuirano vrši praćenje zahvata vode na izvoristima i protoka vode u sistemu, regulacija pritiska u sistemu, a sve kako bi se pravovremeno vršile intervencije u slučaju kvara na linijama i nedostatka vode u rezervoarima.
- U skladu sa zahtjevima iz rješenja o vodnoj dozvoli pravno lice je postupilo i to:
 - podatke o zahvaćenim količinama vode „ZV“ Obrasce redovno dostavlja Agenciji,
 - vrši stalnu kontrolu kvaliteta zahvaćenih količina vode u skladu sa zahtjevima Pravilnika, ugrađeni su mjeraci protoka. Mjeraci su baždareni 11.10.2024. godine (5 godina rok baždarenja) i 18.02.2022. godine i isti je trebalo baždariti i u 2024. godini, ali zbog spora između Instituta za mjeriteljstvo BiH i Zavoda za mjeriteljstvo FBiH (koji se spore zbog nadležnosti oko vršenja baždarenja), trenutno nije moguće izvršiti baždarenje mjeraca protoka.
 - izvršeno je usklađivanje Elaborata o zaštitnim zonama izvorišta „Vrelo Bosne“ u skladu sa odredbama Pravilnika o utvrđivanju uslova za određivanje zona sanitarne zaštite i zaštitnih mjera za izvorišta vode za javno vodosnabdijevanje stanovništva („Službene novine Federacije BiH“ broj 88/12). Odluka o zonama sanitarne zaštite i zaštitnim mjerama izvorišta vode za piće kojim upravlja korisnik Kantonalno javno komunalno preduzeće „Vodovod i kanalizacija“ d.o.o. Sarajevo, a u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema na području Kantona Sarajevo, nije donesena.
 - Na samom vodocepilištu, vodozahvatnom objektu i pratećim objektima u prethodnom periodu (od izdavanja Rješenja o vodnoj dozvoli) nisu vršeni građevinski radovi (rekonstrukcije, revitalizacije vodozahvatnih objekata i sl).

- Korisnik je upoznat sa potrebom ishodovanja upotrebne dozvole izgrađenog vodozahvatnog sistema, kao dijela cjelokupnog sistema vodosnabdijevanja, od nadležnog organa, u skladu sa važećom legislativom.

Na osnovu provedenog postupka, a prema članu 107. stav 1. i 2. Zakona o vodama, u svrhu ostvarivanja prava na vodu drugim korisnicima kao i održivog korištenja voda, korisniku objekata KJKP „Vodovod i kanalizacija“ d.o.o. Sarajevo ovom su vodnom dozvolom, u tački 2. dispozitiva rješenja, propisani uslovi za korištenje istih. Podnosilac zahtjeva, kao korisnik objekata obavezan je pridržavati se navedenih uslova, u skladu sa članovima 48., 64., 66. i 116. Zakona o vodama i članovima 13. i 14. Pravilnika o sadržaju, obliku i uvjetima i načinu izdavanja i čuvanja vodnih akata. Konstatuje se da je podnosilac zahtjeva KJKP „Vodovod i kanalizacija“ d.o.o. Sarajevo ispunio minimum uslova za izdavanje vodne dozvole za zahvat vode iz rijeke Bosne i njen tretman na filterskom postrojenju u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema, na području Kantona Sarajevo, pri čemu se trenutno zahvata i na filterskom postrojenju tretira (faza I i faza II) maksimalnih 400 l/s vode, te je riješeno kao u dispozitivu ovog rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o federalnim upravnim taksama i tarifi federalnih upravnih taksi („Službene novine Federacije BiH“, broj 6/98, 8/00, 45/10 i 43/13).

Uputa o pravnom lijeku

Protiv ovog rješenja se može uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana prijema Rješenja.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Voditelj postupka:

mr.sc. Selma Merdan, dipl.inž.geol.

Prilog:

Tehnička dokumentacija navedena pod B. obrazloženja rješenja

Po ovlaštenju

Rukovodilac sektora za izdavanje vodnih akata



Nihad Pezo
Nihad Pezo, dipl.inž.grad.

Dostaviti:

- KJKP „Vodovod i kanalizacija“ d.o.o. Sarajevo
Jaroslava Černija broj 8, 71000 Sarajevo (prilog),
- ⊙ AVP Sava, ISV, Vodna knjiga,
- Sektor 50,
- Sektor 40, arhiva,
- Oglasna ploča